



სსიპ გარემოს ეროვნული სააგენტო

დავით აღმაშენებლის გამზირი №150
0112 თბილისი, საქართველო
+995 32 2439503 / +995 32 2439510
info@nea.gov.ge
nea.gov.ge

05 აპრილი 2024



N 21/3496

შპს „საერთაშორისო ენერჯო კორპორაცია“

მის: თბილისი, მერაბ ალექსიძის ქუჩა, N3, ბლოკი ბ, ბინა 48

ელ. ფოსტა: archilkhatiashvili@gmail.com

სსიპ გარემოსდაცვითი ინფორმაციისა და განათლების ცენტრს

სააგენტომ განიხილა თქვენ მიერ 2024 წლის 6 თებერვალს გარემოსდაცვითი გადაწყვეტილების მიღების მიზნით წარმოდგენილი N1178 განცხადება, რომელიც ეხება ამბროლაურისა და ონის მუნიციპალიტეტებში 110 კვ ძაბვის მიწისზედა ელექტროგადამცემი ხაზის გაყვანისა და ექსპლუატაციის გზშ-ის ანგარიშს და გაცნობებთ შემდეგს:

- მონაცემების ელექტრონული გადამოწმებით დგინდება, რომ გზშ-ის ანგარიშში არასრულად არის მოცემული ეგხ-ის დერეფანში არსებული კერძო საკუთრებების შესახებ ინფორმაცია, რაც საჭიროებს დაზუსტებას. ამასთან წარმოდგენილი Shp ფაილების მიხედვით, საპროექტო ტერიტორიამდე მისასვლელი გზები ასევე კვეთს კერძო საკუთრებებს; ამასთან, გზშ-ის ანგარიშში მოცემულია ურთიერთშეუსაბამო ინფორმაცია. კერძოდ, 6.12.2 ქვეთავის პირველ აბზაცში აღნიშნულია, რომ „სულ გავლენის ზონაში მოქცეულია 5 კერძო საკუთრებაში არსებული მიწის ნაკვეთი, რომლებზედაც დაგეგმილია საყრდენი ანძების განთავსება“. ხოლო ამავე ქვეთავის მესამე აბზაცში აღნიშნულია, რომ ეგხ-ის საყრდენი ანძების განთავსება დაგეგმილია მხოლოდ ერთ ნაკვეთზე;
- როგორც გზშ-ის ანგარიშის, ისე სკოპინგის ანგარიშის საჯარო განხილვებზე დაგეგმილ საქმიანობასთან დაკავშირებით დაფიქსირებული შენიშვნები/მოსაზრებები ეხებოდა ეგხ-ის გაყვანით ონის მუნიციპალიტეტში კერძო ნაკვეთებზე მოსალოდნელი ზემოქმედების საკითხს. გზშ-ის ანგარიშში აღნიშნული შენიშვნის პასუხად მოცემულია განმარტება, რომ შერჩეული ალტერნატივის განხორციელებით კერძო ნაკვეთებზე ზემოქმედება არ იქნება მოსალოდნელი ვინაიდან კერძო საკუთრებაზე საყრდენი ანძების განთავსება არ არის დაგეგმილი (საყრდენი ანძები განთავსდება მხოლოდ ერთ კერძო საკუთრებაში არსებულ ნაკვეთზე, აღნიშნული შეთანხმება მოცემულია გზშ-ის ანგარიშში). ვინაიდან საქართველოს კანონმდებლობის, კერძოდ, „ელექტრული ქსელების ხაზობრივი ნაგებობების დაცვის წესისა და მათი დაცვის ზონების დადგენის შესახებ“ საქართველოს მთავრობის 2013 წლის 24 დეკემბრის №366 დადგენილების თანახმად, 110 კვ ძაბვის საჰაერო ელექტროგადამცემი ხაზისთვის დაცვის ზონა დგინდება საჰაერო ელექტროგადამცემი ხაზის გასწვრივ მიწის ნაკვეთი და საჰაერო სივრცე, შემოსაზღვრული ვერტიკალური სიბრტყეებით, რომლებიც ხაზის ორივე მხარეს გადაუხრელ მდგომარეობაში მყოფი განაპირა სადენებიდან დაშორებულია 20 მ-ით. აღნიშნულიდან გამომდინარე, წარმოდგენილი

უნდა იყოს საპროექტო ეგზ-ის დაცვის ზონაში არსებული მიწის ნაკვეთების მესაკუთრეების ინფორმირების/შეთანხმების შესახებ ინფორმაცია;

- ეგზ-ის რამდენიმე მონაკვეთზე დაცვის ზონაში ექცევა კერძო საკუთრებაში არსებული შენობა-ნაგებობები (მაგ: 88.18.21.196, 88.04.23.017). აღნიშნულის გათვალისწინებით წარმოდგენილი უნდა იყოს „ელექტრული ქსელების ხაზობრივი ნაგებობების დაცვის წესისა და მათი დაცვის ზონების დადგენის შესახებ“ საქართველოს მთავრობის 2013 წლის 24 დეკემბრის №366 დადგენილებით განსაზღვრული ნორმების დაცვის შესახებ ინფორმაცია;
- გზმ-ის ანგარიშში გარემოზე ზემოქმედების ანგარიშის მომზადების პროცესში მონაწილე სპეციალისტების ნუსხა და მათ მიერ მომზადებული პარაგრაფები მოცემულია ცხრილის სახით. აღნიშნულ ცხრილში არ არის მოცემული გეოლოგის ხელმოწერა, ხოლო ცხრილის მიხედვით გზმ-ის ანგარიშის გეოლოგიური ნაწილი შესრულებულია სხვა პროფესიის სპეციალისტის (სოციოლოგის) მიერ, შესაბამისად ზემოაღნიშნული საკითხი საჭიროებს დაზუსტებას;
- გზმ-ის ანგარიშის თანახმად, რამდენიმე ანძის განთავსება დაგეგმილია მდინარის სიახლოვეს, ხოლო მდინარის ღვარცოფული თვისებების გათვალისწინებით, ანძების ხანგრძლივი ექსპლუატაციისთვის პროექტი ითვალისწინებს ლოკალური ნაპირსამაგრი ნაგებობების მოწყობას, თუმცა გზმ-ის ანგარიშში არ არის წარმოდგენილი ნაპირსამაგრი ნაგებობების მოწყობის შესახებ დეტალური ინფორმაცია, shp ფაილები და ტექნიკური მახასიათებლები, ასევე არ არის წარმოდგენილი ნაპირსამაგრი სამუშაოებით გამოწვეული გარემოზე მოსალოდნელი ზემოქმედების შეფასება;
- მონაცემების გადამოწმებით დგინდება, რომ N58 ანძის განთავსება დაგეგმილია მდ. ხეურის სიახლოვეს, შესაბამისად დაზუსტებას საჭიროებს ნაპირდამცავი ღონისძიებების საჭიროების საკითხი;
- გზმ-ის ანგარიშის საჯარო განხილვის შემდეგ განხორციელდა საპროექტო ტერიტორიის დათვალიერება, შედეგად დადგინდა, რომ საპროექტო ანძების ნაწილის მოწყობა დაწყებულია, შესაბამისად დაზუსტებას საჭიროებს არსებული/ფაქტობრივი მდგომარეობის შესახებ ინფორმაცია;
- პოლიგონური Shp ფაილებით (საქადალდე „მისასვლელი გზების მასალები“) და ხაზოვანი Shp ფაილებით (საქადალდე „SHP ლუხუნი გზები“) წარმოდგენილი საპროექტო გზების კონტურები ურთიერთშეუსაბამოა;
- განსაკუთრებული დანიშნულების სპეციალური ტყით სარგებლობის მისაღებად საჭირო დოკუმენტაციაში (დანართი 4) წარმოდგენილი Shp ფაილების კონტურები ურთიერთშეუსაბამოა და სრულად არ ასახავს ეგზ-ის (საქადალდე „ლუხუნი ეგზ - შეიფ ფაილები“) შემადგენელი ობიექტების (გზა, ბუფერი, საყრდენი ანძები და ა.შ.) ეროვნულ სატყეო სააგენტოს მართვას დაქვემდებარებულ ტყესთან თანაკვეთას;
- გზმ-ის ანგარიშზე თანდართული დაგეგმილი საქმიანობის შემადგენელი ობიექტების ნაწილის (გზები, ეგზ-ის ბუფერი და ბანაკები) Shp ფაილები, წარმოდგენილია ხაზოვან ფენაში. იმის გათვალისწინებით, რომ აღნიშნული ობიექტები წარმოადგენს ფართობულ ობიექტებს, ეგზ-ის მიწისზედა ელექტროგადამცემი ხაზის მშენებლობის პროექტით გათვალისწინებული ფართობების დადგენის მიზნით, Shp ფაილები წარმოდგენილი უნდა იყოს ასევე პოლიგონურ ფენაში;
- გზმ-ის ანგარიშის თანახმად, ნამეტი გრუნტის განთავსება დაგეგმილია ლუხუნი 2 ჰესის მშენებლობის პროცესში გამოყენებულ სანაყაროს ტერიტორიაზე, გზმ-ის ანგარიშში წარმოდგენილი უნდა იყოს სანაყაროს არსებული მდგომარეობა, ასევე სანაყაროზე დამატებით 1500-2000 მ³ მოცულობის გამონამუშევარი გრუნტის განთავსების შესაძლებლობის საკითხი;
- სსიპ მინერალური რესურსების ეროვნული სააგენტოს ცნობით, საპროექტო ეგზ-ის დერეფანი კვეთს სორის დიაბაზის გამოვლინების კონტურს და გადაკვეთის ადგილებში ექვემდებარება წიაღზე დამაგრებას. გარდა ამისა, საპროექტო ტერიტორია კვეთს ზუდალის ქვიშა-ხრემის

გამოვლინების კონტურს, შესამაბისად წარმოდგენილი უნდა იყოს სსიპ მინერალური რესურსების ეროვნულ სააგენტოსთან შეთანხმების შესახებ ინფორმაცია;

- გზშ-ის ანგარიშის თანახმად „მომზადებულია „ტყითსარგებლობის წესის შესახებ“ დებულების დამტკიცების თაობაზე საქართველოს მთავრობის 2021 წლის 18 მაისის N221 დადგენილებით განსაზღვრული დოკუმენტაცია (იხილეთ დანართი N3)“ თუმცა გზშ-ის ანგარიშის დანართი N3 წარმოადგენს ნარჩენების მართვის გეგმას.

გთხოვთ, 2 თვის ვადაში უზრუნველყოთ დაზუსტებული/დამატებითი ინფორმაციის სააგენტოში წარმოდგენა. აღნიშნული შენიშვნების გათვალისწინებით დაზუსტებული ინფორმაციის წარმოდგენამდე სააგენტო მოკლებულია შესაძლებლობას იმსჯელოს გარემოსდაცვითი გადაწყვეტილების გაცემის თაობაზე.

ვასილ გედევანიშვილი



სააგენტოს უფროსი

სსიპ გარემოს ეროვნული სააგენტო

